



Broj: UP1:01-50-2-1355-1/24
Sarajevo, 21.03.2024. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11, 100/13 i 61/23), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu U. G. ZaštoNe? - Sarajevo za slobodu pristupa informacijama od 12. 3. 2024. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

RJEŠENJE **o slobodi pristupa informacijama**

U. G. ZaštoNe? - Sarajevo odobrava se pristup informacijama po zahtjevu od 12. 3. 2024. godine.

O b r a z l o ž e n j e

U. G. ZaštoNe? - Sarajevo obratilo se 12. 3. 2024. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11, 100/13 i 61/23, u daljnjem tekstu: Zakon).

U zahtjevu je navedeno da se traži pristup informacijama: **1. Molimo da navedete broj državnih službenika koji su učestvovali na obukama/radionicama o unapređenju digitalne pismenosti u cilju efikasnijeg obavljanja službenih poslova i usluga građanima u 2023. godini, te datum, naziv i organizatora obuke/radionice. 2. Koliko je e-usluga vaša institucija pružila građanima i biznisima u 2023. godini? a. Molimo vas da ih navedete sa linkovima koji vode do svakog od njih. b. Navedite koje je od ovih e-usluga vaša institucija počela pružati 2023. godine. 3. Koliko građana i privrednika je u 2023. godini koristilo e-usluge koje pruža vaša institucija? a. Navedite ih po e-usluzi. b. Molimo vas da nam dostavite brojke za svaku uslugu pojedinačno.**

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 26. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku informira se podnositelj zahtjeva da državni službenici Ministarstva nisu učestvovali na obukama/radionicama o unapređenju digitalne pismenosti u cilju efikasnijeg obavljanja službenih poslova i usluga građanima u 2023. godini te da Ministarstvo još uvijek ne pruža e-usluge.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.


PO OVLAŠTENJU MINISTRA
Sanja Škuletić-Malagić

Dostavljeno:

- indexotvorenosti@zastone.ba;
- spis predmeta;
- a/a.